



MEĐU OPTUŽENIMA I ENSAD KARIĆ

Čelnici LOK-a oprali 4,5 miliona maraka

Optužnicom obuhvaćeni i Nedžad Beglerović, Zaim Smajović, Alem Beganović i Nedžad Muhović

Nakon okončane opsežne krivične i finansijske istrage, Kantonalno tužilaštvo Kantona Sarajevo je u četvrtak podiglo optužnicu protiv Nedžada Beglerovića, Zaima Smajovića, Ensada Karića, Alema Beganovića i Nedžada Muhovića, zbog sumnje da su zloupotrijebili službeni položaj, te prali novac.

Kantonalno tužilaštvo istragu je pokrenulo zbog sumnje da su kupovinom nepostojećeg poslovnog objekta u Velešićima oprali 4,5 miliona maraka.

Državna agencija za istrage i zaštitu (SIPA) podnijela je još u decembru 2012. godine izvještaj državnom Tužilaštvu protiv 11 fizičkih i šest pravnih osoba, zbog sumnje na pranje novca.

Među 11 prijavljenih osoba tada su se našli direktor,



Optuženi Nedžad Beglerović i Ensad Karić

zamjenik direktora, predsjednik i član Upravnog odbora Mikrokreditne organizacije LOK. Predmet je iz Tužilaštva BiH

prosljeđen Tužilaštvu Kantona Sarajevo, koje je donijelo naredbu o provođenju istrage.

Inače, sumnjive transakcije LOK-a prva je prijavila Agencija za bankarstvo FBiH.

U izvještaju SIPA-e prikazano je sedam sumnjivih transakcija MKO LOK prema firmi „Ing Kaktus“, u ukupnom iznosu od 4.565.201 maraka. Većina tog novca kasnije je uplaćivana na račune LOK instituta, UNIS instituta, UNIS promexa, LOK investa, UNIS

Toursa. Sve ove firme su bile u direktnom ili indirektnom vlasništvu Beglerovića. Taj novac je onda istog dana ili dan kasnije korišten za vraćanje kredita njegovih firmi. Sve transakcije su obavljene putem više računa u različitim bankama. U to vrijeme direktor LOK instituta bio je Ensad Karić, dok je Alem Beganović bio direktor UNIS instituta.

Optužnica je dostavljena Kantonalnom sudu u Sarajevu na potvrđivanje. **M. M.**

OBUSTAVLJENA ISTRAGA

Nusret Čaušević se ubio

Istraga je u međuvremenu obustavljena protiv direktora i jednog od vlasnika LOK-a Nusreta Čauševića, čije je beživotno tijelo u maju prošle godine pronađeno u automobilu audi na sarajevskom izletištu Borije. Istragom je utvrđeno da se Čaušević ubio pucnjem iz pištolja.